



23. juli 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Nunaqarfinni aqqusinerni asfatiilersorneqanngitsuni ingerlatsinermut allagartaqarani ATV-nik ingerlatsisinnaanissamut, angallannermut inatsimmi periarfissiinissamut danskit oqartussaannut oqaloqatiginninnerit sumut killippat? Akissut sukumiisumik tunngavilersoqquneqarpoq.**
- 2. Naalakkersuisut oqaluuserisamut soqutiginaatilinnik allanik paasissutissiisinaanerlutik?**

(Inatsisartunut ilaasortaq Inatsisartut Jørgen Rosbach, Demokraatit)

Tunngavilersuut

Angallannermut inatsit sulii danskit naalagaaffianit oqartussaaffigineqarpoq, immaqalu taamaattumik, ilaatigut kalaallinit ataqatigiinnerat paasiuminaassinnaasarlutik.

Soorlu assersuutigalugu ATV-mik ingerlatsineq ingerlatsinermut allagartaqarnissamik piimasaqaatitaqarpoq. Tassunga pissutaasoq ilimanarluinnartoq unaavoq, ATV, Danmarkimi aqqusinerni asfaltiterneqarsimasuni ingerlasartoq, biilitut isigineqartarmat. Tamanna paasinarluinnarpoq.

Pissutsilli ilisimaneqareersutut maani allarlunnaapput. Nunaqarfinni amerlanerpaani asfaltimik qallikkanik aqqusineqanngilaq, taamaattumillu ATV nunaqarfinni nunami, angallatikkuminartuulluni. Taamaattorli ingerlatsinermut allagartaqarnissaq piimasaqaataavoq. Ilanngukkaannilu, ingerlatsinermut allagartaq illoqarfinniinnaq pissarsiarineqarsinnaasoq. Nunaqarfinni innuttaasunut akisoorujussuuvog illoqarfiliarnissaq ingerlatsinermut ilinniariartorlunilu assigisaanillu.

Tamanna tunngavigalugu isumassarsialaasoraara, nunaqarfinni aqqusinerni asfatiilersorneqanngitsuni ingerlatsinermut allagartaqarani ATV-nik ingerlatsisinnaanissamut, angallannermut inatsimmi periarfissaqalersillugu.

Ilisimatitsissutigissavara, Demokraatit 2020-imi assigusumik apeqquteqaateqarsimammata (§ 37 apeqqut 2020-184). Taamani akissut unaasimavoq, Naalakkersuisut Danskit oqartussaannut oqaloqatiginnissutigineqartoq, inatsisip allanngortinnissaa. Kisiannili takusinnaanngilara, taanna oqaloqatiginninneq allannguineramik kinguneqarsimanersoq ATV-nik ingerlatsinermut allagartaqarani ingerlatsinissamut periarfissiisumik.

Apeqquteqaatima ullut suliffiusut qulit iluanni akineqarnissaat qilanaaraara.